

ШОНДІБАН

Ёгор тьозлы,
Мукөд йозлы
Часлы сыыла «Шондїбан»,
Кутшөм гажөн
Овлім важөн -
Ньоти лөжтор абу тан.
Сэки уна
Вөлі мунө
Курыд вина вылө сьөм,
Югыд суля
Вөлі кульө
Тэнсьыд дөрөм, гач и көм.
Ювысь мортлөн пыр нин гортын
Вөлі мунө пинь да кось...
Кабак водзын
Шөйтан-жөдзан,
Кизьтөм, вөнътөм, быттьө порсь.
Ёна юсян:
Чеччан-усян,
Өшөдчөма зырым-дуль;
Горшыд тырө -
Яндзим бырө,
Йозлысь өшинь зорйөн жуль...
Сідзкө олан -
Он ло колан...
Зэв кө вылын видзан сой-
Пемыдінын,
Пытшьяс дінын, -
Чижовкаын узян вой.
Узьөм бөрын
Муртса вөран,
Лёкысь висьө тэнад юр...
Сэсся бара
Босьтчан яра

Юны гудыр самöкур.
Сэтшöм юрөн
Быдног дуран,
Век нин вылын «ён» кулак...
Он и тöдлы
Öти мöдлы
Ыджыд пуртөн сутшкан пак
Сэки асьтö быдөн шлачкö,
Потас бöрын балябöж,
Либö бокуд
Доймас, кокуд...
Сэсса ачуд жö и пöж.
Лунысь лунö сідзи мунö -
Воö тэнад кулан кад...
Ёна дырөн
Быдтор бырö,
Лоан ас вылад не рад.
Тэ нин тоша...
Шöрö вошан, -
Он и аддзыв олан туй...
Вермас лоны
Судö воны...
Кывсьö тэныд Сибыр туй...

Ёгор тьöзöй,
Том бур йöзöй,
Кывзöй менсьым тайö кыв!
Лёкысь полöй,
Бура олöй,
Оз мöй югды асиввыв?
Öнi бара
Кывсьö карö:
Йöз пö юö ид и зөр...

Сідзён-тадзён,
Дырён-надзён
Вермас важас воны бөр...
Кыз нё позьё
Юны водзё
Сэтшөм пежтор-самёкур?
Муса вокьяс,
Адзёй шогьяс!
Юөм помысь оз ло бур,
Думышт важсё,
Сэкса «гажсё»...
Кутшөм уна вөлі шог!..
Шондібанёй,
Олөманёй,
Омөль вөлі оланног.